

## Farg'ona viloyatida sanoat ishlab chiqarishi


2025- yil yanvar-aprel oylari uchun

- I. Farg'ona viloyatida faoliyat ko'rsatayotgan va yangi tashkil etilgan sanoat korxonalari soni
- II. Farg'ona viloyati sanoatining asosiy ko'rsatkichlari hududlar kesimida
- III. Yirik sanoat korxonalari tomonidan ayrim turdagi sanoat mahsulotlarini ishlab chiqarish
- IV. Kichik biznes tadbirkorlik sub'ektlari tomonidan sanoat mahsulotlari ishlab chiqarish hajmi
- V. Sanoat ishlab chiqarishi bo'yicha uslubiy tushuntirishlar va metama'lumotlar

### I. Farg'ona viloyatida faoliyat ko'rsatayotgan va yangi tashkil etilgan sanoat korxonalari soni

2025- yilning 1- may holatiga ko'ra viloyatda 5885 ta sanoat korxonalari faoliyat yuritib kelmoqda. Ushbu sanoat korxonalari soni asosiy iqtisodiy faoliyat turlari kesimida taqsimlanganda yuqori ulush 990 tasi (16,8 %) boshqa nometal mineral mahsulotlar ishlab chiqarishga, 988 tasi (faoliyat ko'rsatayotgan korxonalar umumiy sonining 16,8 % i) oziq-ovqat mahsulotlari ishlab chiqarishga, 760 tasi (12,9 %) kiyim ishlab chiqarishga, 484 tasi (8,2 %) mashina va uskunalaridan tashqari tayyor metal buyumlar ishlab chiqarishga va 468 tasi (8,0 %) to'qimachilik mahsulotlari ishlab chiqarishga to'g'ri kelmoqda.

Korxonalar soni  
1- may holatiga ko'ra



## II. Farg'ona viloyati sanoatining asosiy ko'rsatkichlari hududlar kesimida

Dastlabki ma'lumotlar bo'yicha 2025-yilning yanvar-aprel oylarida viloyat korxonalari tomonidan 14 607,3 mlrd so'mlik sanoat mahsulotlari ishlab chiqarilgan bo'lib, 2024 yilning yanvar- aprel oylariga nisbatan sanoat ishlab chiqarishining fizik hajmi indeksi 106,4 % ni tashkil etdi.

|                          | Hajmi,<br>mlrd so'm | Fizik hajm<br>indeksi, % da |
|--------------------------|---------------------|-----------------------------|
| <b>Farg'ona viloyati</b> | <b>14 607,4</b>     | <b>106,4</b>                |
| <i>shaxar tumanlar:</i>  |                     |                             |
| Farg'ona shahri          | 3 557,3             | 101,0                       |
| Qo'qon shahri            | 2 283,6             | 103,8                       |
| Quvasoy shahri           | 519,6               | 105,7                       |
| Marg'ilon shahri         | 554,3               | 105,2                       |
| Oltiariq tumani          | 298,6               | 107,3                       |
| Qo'shtepa tumani         | 771,7               | 106,8                       |
| Bog'dod tumani           | 336,2               | 100,3                       |
| Buvayda tumani           | 366,8               | 110,4                       |
| Beshariq tumani          | 416,1               | 101,1                       |
| Quva tumani              | 177,1               | 87,9                        |
| Uchko'prik tumani        | 1225,2              | 105,2                       |
| Rishton tumani           | 133,2               | 101,5                       |
| So'x tumani              | 47,5                | 107,1                       |
| Toshloq tumani           | 575,5               | 101,0                       |
| O'zbekiston tumani       | 364,0               | 98,9                        |
| Farg'ona tumani          | 497,7               | 100,6                       |
| Dang'ara tumani          | 359,4               | 98,8                        |
| Furqat tumani            | 228,1               | 104,0                       |
| Yozyovon tumani          | 112,8               | 107,3                       |

### Mavzuga doir ko'rsatkichlar:

[Sanoat ishlab chiqarish hajmlari \(oylik\)](#)


[Sanoat ishlab chiqarish hajmlari \(yillik\)](#)

## Aholi jon boshiga to'g'ri keladigan sanoat mahsulotlari ishlab chiqarish

Aholi jon boshiga sanoat mahsulotlari ishlab chiqarishning taqsimlanishi, yirik sanoat korxonalari joylashganligi hisobiga Farg'ona shahrida (10 805,4 ming so'm), Qo'qon shahrida (7 303,2 ming so'm), Quvasoy shahrida (5 026,8 ming so'm), Uchko'prik tumanida (4 955,7 ming so'm), Qo'shtepa tumanida (3 608,6 ming so'm), o'rtacha viloyat darajasi ko'rsatkichidan (3 516,9 ming so'm) sezilarli darajada yuqoriligini ko'rsatmoqda.

Shuningdek, viloyatda aholi jon boshiga sanoat mahsulotlari ishlab chiqarishning o'sish sur'ati 104,3 % ni tashkil etgan bo'lsa, Buvayda tumanida (108,0 %), Oltiariq tumanida (105,2 %), Yozyovon tumanida (105,2 %) qayd etilib viloyat ko'rsatkichidan ancha yuqori natija qayd etilmoqda.


**Aholi jon boshiga sanoat mahsulotlari ishlab chiqarish hajmi**  
yanvar- aprel oylarida



**Sanoat ishlab chiqarishining asosiy tarmoqlari**

2025- yilning yanvar-aprel oylarida sanoat ishlab chiqarishi tarkibida eng katta ulush ishlab chiqaradigan sanoat hissasiga to'g'ri kelib, 13 561,2 mlrd so'mni, jami sanoat ishlab chiqarishidagi ulushi (92,9 %)ni tashkil etgan holda Tog'-kon sanoati va ochiq konlarni ishlashda 46,8 mlrd so'm (0,3 %), Elektr gaz bug' bilan ta'minlash va havoni konditsiyalashda 882,3 mlrd so'm (6,0 %) hamda Suv bilan ta'minlash, kanalizatsiya tizimi, chiqindilarni yig'ish va utilizatsiya qilishda 117,1 mlrd so'm (0,8 %) ni tashkil etdi.

**Sanoatning asosiy seksiyalari bo'yicha ishlab chiqarish hajmi,**  
**jami sanoat ishlab chiqarish hajmidagi ulushi, fizik hajm indeksi**  
2025 yilning yanvar-aprel oylarida



### III. Yirik sanoat korxonalari tomonidan ayrim turdagi sanoat mahsulotlarini ishlab chiqarish

2025- yilning yanvar-aprel oylarida viloyatda 52,0 ming tonna avtomobil benzini (2024- yilning yanvar-aprel oyiga nisbatan 36,2 % ga kamaygan), 44,6 ming tonna ip kalava (0,9 % ga ko'paygan), 357,3 ming litr aroq mahsulotlari (165,8 % ga ko'paygan) hamda 108,9 ming tonna yumshoq bug'doy va spelta uni (18,7 % ga ko'paygan) ishlab chiqarilgan.

| Sanoat mahsulotlari       | 2023- yil<br>yanvar-aprel* | 2024- yil<br>yanvar-aprel* | 2025- yil<br>yanvar-aprel |
|---------------------------|----------------------------|----------------------------|---------------------------|
| Paxta tolasi, tonna       | 25 878,8                   | 34 068,6                   | 23 786,2                  |
| Paxta urug'lari, tonna    | 46394,3                    | 47397,0                    | 34 113,2                  |
| Avtomobil benzini, ming t | 116,6                      | 101,8                      | 52,0                      |
| Dizel yoqilg'isi, ming t  | 146,3                      | 123,7                      | 79,9                      |
| Paxta linti, tonna        | 2330,7                     | 2312,2                     | 2 331,1                   |
| Neft bitumi, ming t       | 18,0                       | 11,3                       | 10,7                      |
| Portlandsement, ming t    | 168,3                      | 37,0                       | 0,0                       |
| Sement klinkrlari, ming t | 42,2                       | 37,3                       | 0,0                       |

*\*2023-2024- yillarning yanvar-aprel oylari uchun ishlab chiqarish hajmlari korxonalar tomonidan yillik balansga muvofiq aniqlik kiritilgan ma'lumotlar asosida shakllantirilgan*


**Mavzuga doir ko'rsatkichlar:**  
[Sanoat ishlab chiqarish hajmlar \(yillik\)](#)

#### Ishlab chiqaradigan sanoat tarkibiga kiruvchi ayrim iqtisodiy faoliyat turlarining sanoat ishlab chiqarish hajmlari

Ishlab chiqaradigan sanoat tarkibida oziq-ovqat, ichimliklar va tamaki mahsulotlarini ishlab chiqarishning ulushi – 15,3 % (2024 yilning yanvar-aprel oylariga nisbatan fizik hajm indeksi 104,6 %), kimyo mahsulotlari, rezina va plastmassa buyumlarini ishlab chiqarishning ulushi – 13,3 % (2024- yilning yanvar-aprel oylariga nisbatan fizik hajm indeksi 118,3 %)ni tashkil etdi.

### Ishlab chiqaradigan sanoatning texnologik tarkibi va ulushi

O'tgan yilning mos davri bilan solishtirganda ishlab chiqaradigan sanoat tarkibida yuqori texnologiyali tarmoqning ulushi 0,8 % ni (2024-yilning yanvar-aprel oylarida 0,5 %), o'rta-yuqori texnologiyali – 17,0 % (13,4 %), o'rta-quyi texnologiyali – 27,1 % (25,4 %), quyi texnologiyali 55,1 % (59,1 %)ni tashkil etgan.



### Elektr, gaz, bug' bilan ta'minlash va havoni konditsiyalash sohasida sanoat korxonalari tomonidan sanoat mahsulotlarini ishlab chiqarish hajmi

2025-yilning yanvar-aprel oylarida o'tgan yilning mos davriga nisbatan elektrenergiya ishlab chiqarish 110,9 % ni, issiqlik energiyasi ishlab chiqarish esa 103,8 % ni tashkil etdi.

| Sanoat mahsulotlari                               | 2023- yil<br>yanvar-aprel* | 2024- yil<br>yanvar-aprel* | 2025- yil<br>yanvar-aprel |
|---------------------------------------------------|----------------------------|----------------------------|---------------------------|
| Jami ishlab chiqarilgan elektrenergiya, mln.kvt.s | 106,0                      | 106,2                      | 116,7                     |
| Issiqlik energiyasi, ming gkal                    | 696,7                      | 435,8                      | 496,5                     |

### Suv bilan ta'minlash, kanalizatsiya tizimi, chiqindilarni yig'ish va utilizatsiya qilish korxonalari tomonidan sanoat mahsulotlarini ishlab chiqarish hajmi


O'tgan yilning mos davriga nisbatan to'qimachilik chiqindilarida 147,6 % ga ko'payish, oqova suvlarni yo'qotish, transportirovka qilish va ishlov berish bo'yicha xizmatlarda 117,1 % ga ko'payish kuzatildi. Shuningdek, axlat o'ralarni, tindirgichlarni va septiklarni bo'shatish, tozalash va ishlov berish bo'yicha xizmatlarda 102,3 % ni tashkil etdi.

| Sanoat mahsulotlari                                                                                                                 | 2023- yil<br>yanvar-aprel* | 2024- yil<br>yanvar- aprel* | 2025- yil<br>yanvar-aprel |
|-------------------------------------------------------------------------------------------------------------------------------------|----------------------------|-----------------------------|---------------------------|
| Oqova suvlarni<br>yo'qotish,<br>transportirovka qilish va<br>ishlov berish bo'yicha<br>xizmatlar, mlrd so'm                         | 5,4                        | 12,1                        | 16,6                      |
| Axlat o'ralarni,<br>tindirgichlarni<br>va septiklarni<br>bo'shatish, tozalash<br>va ishlov berish<br>bo'yicha xizmatlar<br>mln so'm | 6,5                        | 10,8                        | 11,1                      |

\*2023-2024 yillarning yanvar-aprel oylari uchun ishlab chiqarish hajmlari korxonalar tomonidan yillik balansga muvofiq aniqlik kiritilgan ma'lumotlar asosida shakllantirilgan

#### IV. Kichik biznes tadbirkorlik sub'ektlari tomonidan sanoat mahsulotlari ishlab chiqarish hajmi

Hisobot davrida kichik tadbirkorlik sub'ektlari tomonidan 6 432,3 mlrd so'mlik sanoat mahsuloti ishlab chiqarilib, uning umumiy ishlab chiqarish hajmidagi ulushi 52,7 % ni tashkil etdi. 2024- yilning yanvar-aprel oylarida kichik biznes sub'ektlarining umumiy ishlab chiqarishdagi ulushi 46,9 % ni tashkil etgan.



#### V. Sanoat ishlab chiqarishi bo'yicha uslubiy tushuntirishlar va metama'lumotlar

**Sanoat bu** – xomashyoni qayta ishlash, yer osti boyliklarini o'zlashtirish, ishlab chiqarish vositalari va xalq iste'moli mollarini yaratishni qamrab oluvchi ishlab chiqarish tarmog'i.

## Sanoat ishlab chiqarishi hajmi bo'yicha hisoblash metodikasi (qisqacha)

**Sanoat ishlab chiqarishi hajmi** to'g'risidagi ma'lumotlarni mahsulot turlari bo'yicha shakllantirish O'zbekiston Respublikasi iqtisodiy faoliyat turlari bo'yicha mahsulotlarning (tovarlar, ishlar, xizmatlarning) statistik tasniflagichi (O'zDSt 2914:2014) kodlaridan foydalangan holda amalga oshiriladi. Bularga tog'-kon sanoati va ochiq konlarni ishlash, ishlab chiqaradigan sanoat, elektr energiyasi, gaz, bug' va konditsiyalangan havo, suv bilan ta'minlash, kanalizatsiya, chiqindilarni yig'ish va qayta foydalanish bo'yicha xizmatlar (B, C, D, E seksiyalari) kiradi. Sanoat bo'yicha statistika ma'lumotlari quyidagilar asosida shakllantiriladi: a) sanoat mahsulotlari ishlab chiqaruvchi yuridik shaxslarning statistika hisobotlari (oylik, yillik) ma'lumotlari asosida; b) kichik korxonalar, mikrofirmalarning choraklik tanlanma kuzatuvlari natijalari asosida; d) ishlab chiqarish faoliyati bilan shug'ullanuvchi yakka tartibdagi tadbirkorlik sub'ektlarining choraklik tanlanma statistika kuzatuv ma'lumotlari; e) uy xo'jaliklari kuzatuv materiallari.

**Sanoat ishlab chiqarishining fizik hajmi indeksi** ishlab chiqarilgan mahsulotlar (ishlar, xizmatlar) hajmining taqqoslanadigan davrlardagi o'zgarishini tavsiflovchi nisbiy ko'rsatkichdir.

## Sanoat ishlab chiqarishining fizik hajmi indeksi bo'yicha ta'rif

**Fizik hajm indeksini hisoblash** deflyatorlash usuli orqali amalga oshiriladi. Hisoblash mahsulot (ish, xizmatlar) ishlab chiqarishning qiymat ko'rinishdagi dinamikasi to'g'risidagi ma'lumotlarga asoslanib, keyinchalik alohida indekslar iqtisodiy faoliyat turlari bo'yicha yiriklashtirilgan indekslarga bosqichma-bosqich agregatsiyalanadi. Sanoat mahsulotlari ishlab chiqarish fizik hajm indeksini deflyatorlash usuli bilan hisoblashning afzalliklari: bu usul indeksga turli xil tovarlar guruhlariga kirishga imkon beradi; statistik tanlab olingan narxlardan tegishli tovarlar guruhining vakili sifatida foydalanish mumkin; deflyatorlash usuli ishlab chiqarilayotgan mahsulotdagi sifatli o'zgarishlarni hisobga olishga imkon beradi. Sanoat ishlab chiqarishi fizik hajmining yig'ma indeksi, bazis yilning qo'shilgan qiymat tuzilmasiga qayta hisoblangan seksiyalar bo'yicha indeks ko'rsatkichlarini agregatsiyalash orqali aniqlanadi.

**Sanoat ishlab chiqarishining tarkibi** asosiy 4 ta **B, C, D, E** seksiyalaridan tashkil topgan bo'lib quyidagilardan iborat:

**B** - Tog'-kon sanoati va ochiq konlarni ishlash

**C** - Ishlab chiqarish sanoati

**D** - Elektr gaz bug' bilan ta'minlash va havoni konditsiyalash

**E** - Suv bilan ta'minlash, kanalizatsiya tizimi, chiqindilarni yig'ish va utilizatsiya qilish

## Metama'lumot uchun havola:

<https://lib.stat.uz/uz/features/sanoat/679-sanoat-ishlab-chiqarishining-umumiy-hajmi-qiymatini-baholash-bo-yicha-uslubiy-nizom-ni-tasdiqlash-to-g-risida>  
<https://lib.stat.uz/uz/features/sanoat/477-erbgheheh5446456>

Tayyorlash uchun mas'ul:  
Sanoat va energetika  
statistikasi bo'limi

Ijrochi:  
O.Komilov  
73 241-96-28 (4010)

Manzil:

